

民國文獻資料叢編

近代  
人物年譜  
輯刊

國家圖書館出版社 整理

國家圖書館出版社



12

國家圖書館出版社 整理

# 近代人物年譜輯刊

第十二冊

國家圖書館出版社

## 第十二冊目錄

|              |      |       |     |
|--------------|------|-------|-----|
| 抑齋自述七種(民國閒人) | 王錫彤編 | ..... | 一   |
| 抑齋自述七種(工商寶歷) | 王錫彤編 | ..... | 一七三 |
| 抑齋自述七種(藥餌餘生) | 王錫彤編 | ..... | 三六三 |

王筱汀先生遺像





民國開人小引

民國之興創中國未有之局方其未成竊多顧於其  
倖之一人此其成立乃立法行政兩途全不與焉竊  
者時同人多以為不情也其實因揣其才決不合於  
世用外觀昔世亦與平昔所期其世絕遠明之不諱則  
已諱則必蹟故寧終其身於商賈免縮身敗名裂  
之禍而已逮今思之覺者日幸負時會不能杜絕鄙  
渾者甚多此數年中無以名之名之曰民國開人  
以諱者過汲之傷耶抑齊氏題



# 民國閒人

抑齋自述之四

## 中華民國

按中者對外而言昔之在吾國外者總名之曰蠻貊夷狄文章禮樂一切無之故歷代雖有國名而總以中華自居自海宇隸通與泰西諸國相往來仍以蠻夷待之宜其召侮也然中國雖屢敗而中國之稱亦已相沿歐人至譯以為中等之國亦惟漠然置之而已民黨肇興雅不願襲用滿洲之國號特循中外共稱之名自號中華而中華二字遂真成國名矣至民主之國本由西洋譯來甲午之役臺灣曾試行之至此遂實見總統二字則由伯里璽天德譯出其實中國自古所傳之聖經賢傳若天



視民視天聽民聽實皆民主之義故孟子毅然曰民為貴君為輕甚至土芥寇讐不惜為報復之言雖暴君污吏如何誅鉏迂儒曲士如何誤解而民主之學說深入人心不能易也孫中山振臂一呼民之從者如流水南京開會公舉孫中山為臨時總統遂為中華民國誕生之始開宗明義改用陽曆以蕪合世界之公

### 元年

按吾國所謂元年者人君即位之始年也漢以來始有嘉名且有一君而改數元者大抵皆有與民更始之義明清以來始多以一君即位為元年除正統天順外殆無復改元者至以立國

之始為元年則中華民國之新例矣

孫中山既改陽曆則辛亥之十一月中已屆中華民國之元月  
其時南北和戰未定故陽曆之行僅及於長江上下至共和統  
一後袁大總統下令改用陽曆以壬子正月一日為中華民國  
二月十八日天下之耳目一新改玉改步固新國之鉅典也於  
國家出入之款省去閏月稽核最便銀行大公司便利亦多北  
京有文而黠者署春聯於門曰男女平權公說公有理婆說婆  
有理陰陽合曆你過你的年我過我的年聞者絕倒舊民心理  
此足代表然陽曆之行便利既多且中華新國將與世界各大  
國相周旋固不容獨自立異也

壬子四十七歲

二月十八日謁袁大總統公留午餐在坐者袁公父子及錫彤三人而已因論及天下大勢形以國體已更伏莽甚多中國歷史改革之際率多殺戮今竟安然坐以致之恐部下許多健兒

熱血未灑仍要生事宜推其鋒使之外嚮

武漢歸來之兵沿途滋事京中劇團飯館場茶館有此輩焉悍潑開之實余不好明

言故微以此言動公

公大不謂然曰我終欲煦嫗之不願用武力也

按公之仁心真不愧為開國元首然中國循環定例竟不能逃閱十餘日竟有郅城之變

先是和議既成南京派代表蔡元培等來迓袁公赴南京就大總統職都下紛紛盛傳遷都人心惶然留守北京之兵為一鎮

三鎮雖未出征然每月加食米與出征者同均不扣米價至是陸軍部以大局已定留守軍食米每兵月扣銀一兩檄下鎮部兵士忿怒驟於民心驚疑之際譁然潰變時二月二十九日陰曆正月十二日夜也余時在自來水公司方與客張篤生談聞東城槍聲起登樓望之火光熊熊然遙指其處在西單牌樓一帶正總統府左右又南來代表所寓之煤渣胡同左右也余思此兩處一有不測則大局立即瓦解此後中國不知將隳落至何地我輩真罪人矣天甫明聞亂事少定即覓人力車至石大人胡同謁視大總統大總統固無恙也遍詢左右亦多逃去者嗣聞變兵雖搶掠並未殺人心為少安又至煤渣胡同問南來

代表亦已避之東交民巷外國旅館幸無損傷又至東華門視之門柱尚有餘火如然巨燭數巡警正在掃除煨燼再訪雲臺則雲臺於夜中亂兵正盛時由錫拉胡同宅往總統府省視難亂兵中數小時始得達亦幸矣哉

次日晚間西城兵亂又作火光在西單牌樓一帶又徹夜不敢睡飭公司同人備茶水又儲銅元一箱備變兵若來惟有搞之一法幸而未至

三月二日即正月十四日早起西城搶掠猶未止至午初始聞姜軍門桂題持大刀督隊見搶物者輒以刀砍之始息公司總理馬學庭約余同往天津暫避余婉詞謝之馬總理去後召集

同人申明約束沽酒具餐以消長夜余當與諸君敬供職守決不逃避獨累諸君

時京中既遭兵亂富家大族輒逃天津總統府僚友亦有去者余每晚輒至總統府與雲臺結伴天明即回公司辦事大總統怵於兵變勵精為治每夜至三鼓方寢寢畔置電話機一有報告即由電話中處分之雲臺則每日天明即起遊歷諸營撫慰各軍然保定兵變天津兵變接踵見告河南亦蠢蠢動連接齡弟及數兒電輒呈之大總統由彰德調兵至衛輝鎮壓至十日後始漸漸平穩

曾可樓名昭文即去年北軍所獲余言之雲臺縱歸以通南北

聲氣者至是隨蔡元培來京以敝兒同學之誼屢來謁晤兵變後余語之曰南方以總統至南京就職為詞其理由未為不正第北方民心惶惑亂兵乘之遂肇大禍今各處蔓延殆未易遽了非速予收拾殆不可為且建國之始外交為重今各國公使麇集北京使館建築華麗費各不貲京都遷則使館亦當遷恐非外人所樂許南方何苦爭此虛名受許多實禍耶可樓曰諾吾當與代表言之後數日代表果不堅執南京就任之議而禮礮百聲臨時大總統在京就職矣

李捷三夏述唐威武軍代表也皆敝兒同學來京謁見余介之以謁大總統自是民黨策士民軍將帥多介余謁總統者總統

亦樂與相見余則應酬之費伙助之費達數千金總統亦微知之余未嘗與言也

三月二十二日即二月初四日敝兒自山東來其軍長劉莊甫名基炎亦來余介莊甫謁大總統其所統滬軍遂隸中央

河南自改共和後巡撫齊震巖頗不自得蓋當張鍾端謀獨立之始經商毅卿等破獲震巖即予處斬至共和既揭曉一班少年人為張請卹為張立祠肖庭既河南人敏修則舊學務議長當然有所主張齊遂鬱鬱求去日電中央請退又連電余期必得請始已余屢復電慰藉之竟無效又徵求肖庭意旨期肖庭接任肖庭再三執不可而風聲傳播謀河南都督之位者風起



雲涌大抵嶄新人物總統不敢信舊日官僚河南人不歡迎總統屢與余謀高低苦不適當最後乃決調張馨菴於河南馨菴又以直隸兵變引為己咎固謝不往總統屬余慫恿之乃連日夜勸駕馨菴始應命既至河南寓肖庭之藩司署中不肯接印震巖聞之即送印於馨菴出城逕去馨菴急電來告大總統甚以為憂夜半命車召余出馨菴電以示彤曰此無可慮第嚴令馨菴接印可耳公曰儻出變亂殊無以對馨菴彤曰河南事彤知之敢保其無亂可起次日電又來馨菴果接印平安無事自是河南始漸有條理

電招王月波自上海來與攸兒組織報館並介紹月波謁大總